

evangelio ait: 'Facite vobis amicos de mammona iniquitatis'. Idcirco iniquas nomi- 801—802  
navit huius<sup>a</sup> seculi divitias, quia<sup>b</sup> mammona Syra est lingua, et latine divitiae dici<sup>c</sup> Luc. 16, 9.  
possunt<sup>d</sup>, quia divitiae aut per iniquitatem congregantur, aut<sup>e</sup> inique pauperibus sub-  
trahuntur.

5 De quarum vana possessione in huius saeculi deliciis pene sapientissimus Salomon  
totum composuit librum, cuius<sup>d</sup> titulus est ecclesiastes<sup>e</sup>, dicens in capite libri: 'Vanitas Eccle. 1, 2.  
vanitatum, dixit ecclesiastes<sup>e</sup>, omnia vanitas'. Si omnia vanitas, quae utilitas divitias  
retinere<sup>f</sup> caducas? In quem librum ex sanctorum opusculis<sup>g</sup> patrum, ac maxime de beati  
Hieronimi commentario, parvum composui breviarium<sup>2</sup>, vestri causa, nati<sup>h</sup> karissimi,  
10 quatenus paterna sollicitudine ammonerem vestrum nobile ingenium, ne nimio amore  
studeatis caducis et cito transitoriis inhiare divitiis, quae citissime<sup>i</sup> velut volatiles  
recedunt umbrae<sup>k</sup><sup>3</sup>, et ut, si quid supersit in eis necessario vitae vestrae stipendio,  
pauperibus erogare studeatis, quia, ut idem Salomon ait, 'Redemptio animae viri, pro- Prov. 13, 8.  
prie divitiae eius'. Sedula mente ipsius Domini sanctum considerate<sup>l</sup> praeceptum,  
15 quo nos ammonuit caelestibus magis quam terrenis inhiare thesauris, dicens: 'The- Matth. 6, 20.  
saurizate vobis thesauros in caelo, ubi neque erugo, neque tinea demolitur, et ubi  
fures non effodiunt, nec furantur: ubi enim est thesaurus tuus, ibi est et cor tuum'.  
Hunc siquidem librum supradictum semper pro magistro habeatis in manibus, ut  
discatis terrena non amare, sed caelestia: dominari<sup>m</sup> divitiis, non servire, laudem non  
20 quaerere terrenam, sed a iudice Christo<sup>n</sup>, miserorum consolatore, amabilem audire  
sententiam inter<sup>o</sup> eos, quibus dicturus erit<sup>p</sup>: 'Venite benedicti Patris mei, percipite ib. 25, 34.  
regnum, quod vobis paratum est ab origine mundi'.

Flumina<sup>q</sup> qui metuat modica sulcare carina<sup>4</sup>

Grandia, ne mergat turbidus auster<sup>5</sup> eam,

25 Iste suo placidas lembo pernaviget undas,

Currentes inter florida prata pie.

5 Sic qui magnorum sensus rimare profundos

Doctorum timeat pectoris ingenio,

Nostra legat felix animo commenta sereno,

30 De gazis veterum quae tulit unca manus<sup>r</sup><sup>6</sup>.

Vos vivete<sup>s</sup> Deo semper, nam vivere mors est

10 Huic mundo; vera est vivere vita Deo.

Vos<sup>t</sup>, rogo, conservet felices gratia Christi,

O dulces nati, sancta salutis ope.

35 <sup>a</sup>) igitur *A* pro huius — quia. <sup>b</sup>) igitur *G*, *N*. <sup>c</sup>) vel *G*, *E*. <sup>d</sup>) cui *E*. <sup>e</sup>) aecclesiastes *G*.  
<sup>f</sup>) reservare *G*, *N*. <sup>g</sup>) opusculis *G*. <sup>h</sup>) filii *G*, *E*. <sup>i</sup>) citissimi *E*, *N*. <sup>k</sup>) om. *G*, *E*, *N*. <sup>l</sup>) con-  
siderare *A*. <sup>m</sup>) dominare *G*, *N*. <sup>n</sup>) Christo expectari (expectare *G*, *N*) inter miserorum consolatores  
amabilem *A*, *G*, *E* (pro Christo — amabilem). <sup>o</sup>) inter eos om. *G*, *A*, *E*, *N*. <sup>p</sup>) est *G*, *N*. <sup>q</sup>) versus  
om. *G*, *N*. <sup>r</sup>) Flumina — manus supplevit Frobenius II, 612 ex codice *S. Pauli Ratisbonensi*. Eisdem  
40 versus habet codex *S. Amandi apud Mangeart, Manuscripts de Valenciennes* p. 41, ubi legitur v. 1 metuit, v. 3  
praenavigat, v. 5 penetrare, v. 6 metuit. <sup>s</sup>) vivite *E*. <sup>t</sup>) Vos — ope om. *G*, *A*.

1) Cf. Hieron. ep. 121 ad Algasiam (Opp. I, 859): Mammona autem non Hebraeorum, sed Syrorum  
lingua divitiae nuncupantur. 2) Meminit huius brevariarii Alcvinus ipse infra p. 412 in ep. 254 die 24.  
mens. Maii a. 802. ad Arnonem missa: Direxi quoque ad transscribendum . . . opusculum in ecclesiasten  
45 Salomonis. Vit. Alchv. c. 21 (SS. XV, 195): Scripsit et . . . in proverbiiis Salomonis et ecclesiasten.  
3) Alc. de virtut. et vit. (Opp. II, 145) c. 35: Nonne melius est . . . Deum diligere . . . quam . . . felicitates  
saeculi transitorias, quae omnia velut volatilis umbra recedunt et transeunt? 4) Aen. V, 158:  
longa sulcant vada salsa carina. 5) Lucan. bell. civ. I, 234. 498: turbidus auster. 6) Aen. III,  
217: uncaeque manus.